

ԱԿ-ԿՈՅՈՒՆԼՈՒՆԵՐԻ ՊԵՏՈՒԹՅՈՒՆԸ ՄԻՋԱՉԳԱՅԻՆ
ՀԱՐԱՐԵՐՈՒԹՅՈՒՆՆԵՐԻ ՈԼՈՐՏՈՒՄ ԵՎ ՀԱՅԵՐԸ

Ա. Ա. ՊԱՊՅԱՆ

Վաչկատուն այն ցեղերը, որոնք հետագայում դարձան ակ-կոյունլու ցեղային միության միջուկը, Միջին Ասիայից Հայաստան, Ատրպատական և Հյուսիսային Միջագետք են գաղթել XIII դ. վերջին¹։ Օղուզ-թուրքերի այս ցեղախումբը Տիգրիսի վերին հոսանքներում է հաստատվել XIV—XV դդ.²։ Տիրող հարստությունը Բայանդուրի ազգատոհմն էր՝ կոչված ցեղախմբի հեռավոր նախնիի անունով³։

Ակ-կոյունլուները կատաղի ու անհաշտ պայքար էին մղում իրենց հիմնական ախոյանի՝ կարա-կոյունլուների դեմ⁴։ Լեյլ ցն.ախմբերի հակամարտությունը սրվում էր նաև նրանով, որ նրանցից յուրաքանչյուրն արդեն ներգրավվել էր թեև հստակորեն չձևավորված, բայց իրենց ուրույն շահերն ունեցող պետությունների խմբի մեջ և իր ախոյանին պարտության մատնելու համար դաշնակիցներ էր որոնում հարևան երկրներից։ Կարա-կոյունլուներն իրենց թշնամու աճող ազդեցությանը դիմակայելու համար երբեմն միավորվում էին Օսմանյան թուրքերի հետ⁵։ Ակ-կոյունլուներն իրենց հերթին դաշնակցային հարաբերությունների մեջ էին Թեմուրյանների հետ⁶։

Ակ-կոյունլու ցեղապետ Կարա-Յուլուք Օսմանը (1394—1434 թթ.) Ան-կարայի (1402 թ.) ճակատամարտում Լենկթեմուրի բանակին զինակցելու համար հաղթանակից հետո ստացավ Դիարբեքիրն իր շրջակայքով⁷։ Ավելի ուշ, երբ կարա-կոյունլուների հիմնական ուժերը Թավրիզի մոտ փորձում էին կասեցնել Թեմուրյաններին, ակ-կոյունլուները զրավեցին Նոբնական և Սեբաստիան⁸։

Չնայած այս անհաջողություններին, կարա-կոյունլուները շարունակում էին մնալ վտանգավոր և բավականաչափ ուժեղ ախոյաններ։ Նման թշնամու առկայությունը Կարա-Յուլուք Օսմանին ստիպեց քաղաքականապես մերձենալ Տրապիզոնի կայսրությանը։ Նա կնության առավ կայսր Ալեքսիոս IV-ի (1416/17—1429 թթ.) դստերը. «Այն Սպիտակ տոհմին (թէ եւ սեւանուն Գարա Օսման կամ Գարա Նուրգ) նահապետն՝ արդէն Տրապիզոնի Կոմնենեան Յու-նաց կայսրութեան հետ ընտանեցեր էր, Ալեքս կայսեր դուստրը կին առնելով»⁹։ Սա ակ-կոյունլուների առաջին քաղաքական միջդինաստիական ամուս-

¹ Հայ ժողովրդի պատմություն, հ. IV, Երևան, 1972, էջ 45։

² Հայկական սովետական հանրագիտարան, հ. 1, Երևան, 1974, էջ 224։

³ P. Sykes, A History of the Persia, v. 2. London, 1921, p. 140.

⁴ R. Stevens, The Land of the Great Sopy, London, 1962, p. 26.

⁵ Д. ж. Ибрагимов, Феодалные государства на территории Азербайджана 15-ого века, Баку, 1962, с. 34.

⁶ М. А бидова, Государство Ак-коюнлу в Иране во второй половине 15-ого века (автореф. дисс. на соискание уч. степени канд. ист. наук. Л., 1953, с. 6).

⁷ М. Mazzaoui, M., The Origins of the Safawids, Wiesbaden, 1972, p. 11.

⁸ Д. ж. Ибрагимов, նշվ. աշխ., էջ 34։

⁹ Ղ. Ա ի ի ղ ա ն, Հայ-Վենետ կամ յարբնլութիւնը հայոց և վենետաց ի ԺԳ-Դ և ԺԵ-Ջ դարս, Վենետիկ, Ս. Ղազար, 1896, էջ 184—185։

նությունը չէր, Դեռևս 1352 թ. Կարա-Յուլուք Օսմանի հայրը՝ Ղուտլու Բեկը, ամուսնացել էր Տրապիզոնի կայսր Ալեքսիոս III-ի (1349—1390 թթ.) դստեր հետ¹⁰, Ավելի ուշ Ալի-բեկը ևս հետևեց հոր ու պապի օրինակին¹¹,

Խոյադրոշ ցեղերի դիմակայությունը բնորոշվում էր մերթնդմերթ սաստկացող ռազմական գործողություններով: Հնդհարումներից մեկի ժամանակ Կարա-Յուլուք Օսմանը գերվեց, բանտարկվեց էրզրումում, որտեղ էլ մեռավ¹², Հակամարտությունն էլ՝ Ավելի բորբոքվեց նրա որդու և հաջորդի՝ Ալի-բեկի (1435—1453 թթ.), հայկական աղբյուրներում՝ Սուլթան Համզայի¹³ ժամանակ¹⁴, Սակայն պայքարն իր բարձրակետին, ապա և հանգուցալուծմանը հասավ Ուզուն Հասանի (1453—1478 թթ.) օրոք: Նա ակ-կոյունլու տիրակալներից ամենից ակնաւորն էր. «ոչ միայն հզօր, այլ և հեռատես, քան իւր նախորդը»¹⁵ խորոխտ և ահարկուն¹⁶, նա բազմազբաղ և գործուն անձնավորություն էր, ներքին և արտաքին մի շարք կարևորագույն ձեռնարկումների հեղինակ¹⁷:

Ուզուն Հասանի գահակալության հենց առաջին տարին շրջադարձային էր քաղաքակրթության պատմության համար: Թուրքերի կողմից Կ. Պոլսի նվաճումը գրեթե իսկույն գիտակցվեց որպես համաեվրոպական աղետ և ունեցավ իր հեղաբեկիչ ազդեցությունը համաքրիստոնեական քաղաքական մտածողության վրա: Սուրբ երկրի ազատագրման գաղափարն աստիճանաբար իր տեղը սկսեց զիջել թուրքական վտանգին համատեղ դիմակայելու, թուրքերին նվիրաբերելու գուրս մղելու և Կ. Պոլսի ազատագրելու գաղափարին: Նման դժվարագույն խնդրի իրագործումը պահանջում էր Արևմուտքի և Արևելքի հակաօսմանյան բոլոր ուժերի միասնություն:

Արևելքում դաշնակիցներ որոնելու գաղափարը եվրոպական քաղաքականության համար նոր չէր: Դեռևս մինչև թուրքերի ի հայտ գալը Հռոմի պապերն ապարդյուն փորձեր էին անում մկրտելու հեթանոս մոնղոլներին և նրանց հետ համատեղ պայքարելու բարձրացող իսլամական ուժի դեմ¹⁸, Քաղաքական ճգնաժամ ապրող Բյուզանդիան իր գոյության վերջին հարյուրամյակում հետևողականորեն հետամուտ էր հակաօսմանյան միասնական դիմակցության ստեղծմանը¹⁹: Բյուզանդական կայսրերից ոմանք (Հովնան V Պալեոլոգոս, Մանուել II) թուրքական նվաճումներից անհանգստացած անձամբ էին ուղևորվել Արևմուտք՝ թուրքերի դեմ ռազմական օգնություն խնդրելու²⁰:

Միջազգային ապրանքափոխանակության կարևորագույն հանգուցակետ Կ. Պոլսի և առևտրական մայրուղիների ու խոշորագույն նավահանգիստների թուրքական ռազմակալումը հարվածի տակ դրեց եվրոպական և ասիական մի շարք երկրների կենսական շահերը: Տնտեսական հսկայական կորուստնե-

¹⁰ W. E. D. Allen, Problems of Turkish Power in the 16th Century, London, 1963, p. 76.

¹¹ Շահ Իսմայիլ Սեֆեհի (փաստաթղթերի և նամակների ժողովածու, աշխատասիրությանը Արդուլ Հուսեյնի նավալիի), Թեհրան, 1347, (1969), էջ 34 (պարսկերեն):

¹² P. Sykes, աշխ. էջ 140.

¹³ Հայ ժողովրդի պատմություն, հ. IV, էջ 45:

¹⁴ Д. Ж. Ибрагимов, նշվ. աշխ., էջ 34:

¹⁵ Ղ. Ալիշան, նշվ. աշխ., էջ 184—185:

¹⁶ Մ. Չամչյանց, Հայոց պատմություն, հ. 9, Երևան, 1984, էջ 509:

¹⁷ M. Mazzaoui, M., նշվ. աշխ., էջ 11:

¹⁸ M. Dorothy, M. Vaughan, Europe and the Turk 1350—1700, Liverpool, 1954, p. 205.

¹⁹ Ծ. Դ. Մաղադյանյան, Բյուզանդիան կործանման նախօրեին (Պատկերա-բանաստեղծական հանդես, 1988, № 2, էջ 60):

²⁰ Նույն տեղում, էջ 62:

րը կանխորոշում էին այդ երկրների արտաքին քաղաքականությունը, դիվանագիտության մշտահոլով հարց դարձնում հակաօսմանյան զինակցության ստեղծումը և պայքարն Օսմանյան կայսրության դեմ:

Դիվանագիտական շրջանակներում զինակցություն ստեղծելու համար առանձնապես գործուն ջանքեր էին ծավալել Հոմի պապերը: Թեև հարցը պարուրված էր կրոնական գաղափարախոսությամբ, ուներ տնտեսական և քաղաքական միջուկ: Թուրքական նվաճումներն ուղղակի հարված էին Հոմի պապի ազդեցության ոլորտին, քանի որ Ֆլորենցիայի ունիայով, որը գործեց 1439—1472 թթ., կաթոլիկ և ուղղափառ եկեղեցիները միավորված էին Հոմի պապերի գերիշխանության ներքո²¹:

Կ. Պոլսի նվաճման հաջորդ իսկ տարին նիկոդայոս V պապը (1447—1455 թթ.) խուզում էր Բուլոնյային ուղարկեց Եթովպիա և Հնդկաստան՝ հակաօսմանյան պայքարում ստանալու այդ երկրների տիրակալների աջակցությունը²², նույն 1454 թ. Վենետիկը Ղարամանիայի բելլիկի հետ հակաօսմանյան դաշինք կնքեց²³, 1455—1458 թթ. դր Բուլոնյան նոր պապի՝ Կալիստոս III-ի (1455—58 թթ.), հանձնարարությամբ լինում է Եթովպիայում և Պարսկաստանում²⁴:

Կ. Պոլսի գրավումից հետո, Եվրոպայում նվաճումներին զուգընթաց, Մուհամմեդ II-ը (1451—1481 թթ.) ձեռնամուխ եղավ Անատոլիայի նվաճմանը²⁵, Թուրքական հարձակման ահագնացող վտանգն ամբողջովին պայմանավորում էր հակաօսմանյան բոլոր ուժերի վարքը, ստիպում նրանց համախմբվել: Արևելքում հակաօսմանյան կարևոր ուժերից էր ակ-կոյունլուների պետությունը:

Ուժերը համախմբելու ուղղությամբ Ուզուն Հասանը ծավալեց դիվանագիտական լայն գործունեություն: Նա սերտ կապեր հաստատեց Տրապիզոնի Կոմենենոսների հետ՝ 1458 թ. դառնալով նրանց դաշնակիցը և փեսան²⁶. Ուզուն Հասան կամ Հասան Բէկ՝ առաւ Յովհաննէս կայսեր դուստրը, զոր ժամանակակից գրիչը մեր Դեսպինա խաթուն կոչեն, փոխանակ ըսելու Դեսպատին²⁷: Դեսպինա խաթունը՝ Կատերինեն²⁸, Տրապիզոնի կայսր Հովհաննէս IV Թեոդորայի (1429—58 թթ.)²⁹ կամ այլ անվանմամբ Կալո Հովհաննէսի դուստրն էր³⁰: Անհրոշ միջնորդությամբ Ուզուն Հասանը փորձ արեց հակաօսմանյան դաշինք կնքել նաև Սինոպի տիրակալի հետ: Նոր դիվանագիտական քայլերն իրենց արձագանքներն ունեցան Եվրոպայում: 1458 թ. խուզում էր Բուլոնյան երրորդ անգամ ուղևորվեց Արևելք՝ «հույների, հայերի, մարոնիանների, բաբելոնցիների մոտ», ինչպես նաև «Ա. Երկիր, Ալեքսանդրիա, Վրաստան և Տրապիզոն» նպաստելու նրանց միջև դաշինքի կնքմանը³¹, Հակաօսմանյան զինակցության անդամների թվում էին նաև Փոքր Հայքի Բերդի բեկը, Խույթի և Սասունի ժողովրդապետությունները, որոնցից էլ որպես

²¹ М. А. Гасратян, С. Ф. Орешкова, Ю. А. Петросян, Очерки истории Турции, М., 1983, с. 33—34.

²² С. П. Карпов, Трапезундская империя и западноевропейские государства в 13—15 вв., М., 1981, с. 143.

²³ М. Dorothy, M. Vaughan, նշվ. աշխ., էջ 205.

²⁴ С. П. Карпов, նշվ. աշխ., էջ 143.

²⁵ Османская империя и страны Центральной, Восточной и Юго-Восточной Европы в 15—16 вв., 1984, с. 35.

²⁶ М. Dorothy, M. Vaughan, նշվ. աշխ., էջ 206.

²⁷ Ղ. Ալիշահ, նշվ. աշխ., էջ 184—185.

²⁸ W. E. D. Allen, նշվ. աշխ., էջ 76.

²⁹ С. П. Карпов, նշվ. աշխ., էջ 145.

³⁰ W. E. D. Allen, նշվ. աշխ., էջ 76.

³¹ С. П. Карпов, նշվ. աշխ., էջ 143.

ստեղծագործությունները Եվրոպա են մեկնում երկու պատվիրակներ՝ Հեթում և Ռուբեն անուններով: Հունգարիայի և Գերմանիայի վրայով նրանք հասնում են Հռոմ, ապա անցնում են Ֆրանսիա և բանակցություններ վարում Կարլոս VII թագավորի ու նրա որդի Լուդովիկի հետ³², Լուդովիկո դը Բուրբոնյան մի շարք երկրների տիրակալներից ստանալով նամակներ՝ նրանց դեսպանների ուղեկցությամբ 1460 թ. վերադառնում է Հռոմ: Նա այնտեղից դիվանագիտական առաքելությամբ մեկնում է Վենետիկ, Ֆլորենցիա, Միլան, Բուրգունդիա, Ֆլանդրիա և Ֆրանսիա³³: Սակայն նրա բազմամյա դիվանագիտական ջանքերը արդյունք չունեցան, քանի որ Արևելքում հակաօսմանյան զինակցության միջուկը հանդիսացող Տրապիզոնի կայսրությունը 1461 թ. նվաճվեց թուրքերի կողմից³⁴:

Տրապիզոնի նվաճման փաստը չէր կարող անտարբերությամբ դիտվել Ուլուն Հասանի կողմից: Եվ ոչ միայն այն պատճառով, որ նա Կոմենենոսների հետ կապված էր դաշնակցային և ազգակցական կապերով: Դեպի Սև ծով ելք չունեցող ակ-կոյունլուների պետության համար Տրապիզոնը ծառայում էր որպես կարևորագույն նավահանգիստ: Այս իսկ պատճառով էլ Տրապիզոնի և Պարսկաստանի առևտրական հարաբերությունները հնուց ի վեր այնքան սերտ էին, որ նույնացվել էին մինչևիսկ շափ ու կշռի միավորները³⁵:

Ռազմականապես թույլ լինելով Օսմանյան կայսրությանից, Ուլուն Հասանը փորձ էր արել բանակցությունների միջոցով թուրքերին հետ պահել Տրապիզոնի կայսրության նվաճումից: Նա իր մոլոր՝ Սառա Խաթունին, դիվանագիտական առաքելությամբ ուղարկել էր Մուհամմեդ II-ի ճամբարը: Չնայած բարեհամբույր ընդունելությանը Սառա Խաթունին չէր հաջողվել Մուհամմեդ II-ին հետ կանգնեցնել Տրապիզոնը գրավելու մտադրությունից: Տրապիզոնի կայսրության նվաճումից հետո վերջին կայսրը՝ Դավիթը, նրա ութ որդիները և կիսն աքսորվել էին Ադրիանուպոլիս³⁶, որտեղ էլ մահապատժի էին ենթարկվել: Փրկվել էր միայն մահմեդականություն ընդունած կլերտսեր որդին³⁷:

Տրապիզոնի կայսրության անկումից հետո Արևելքում հակաօսմանյան պայքարի կենտրոնը տեղափոխվեց ակ-կոյունլուների արքունիք:

Եվրոպայում Տրապիզոնի կայսրության անկման մասին իմացան համեմատաբար արագ, հիմնականում իտալական վաճառականների միջոցով: Տրապիզոնի նվաճումից (1461 թ. օգոստոս) արդեն երկու ամիս հետո (20 հոկտեմբերի, 1461 թ.) Վենետիկի հանրապետությունն իր դեսպանների միջոցով այդ մասին ծանուցում է Ֆրանսիայի թագավորին՝ կոչ անելով պատերազմ սկսել թուրքերի դեմ³⁸: Հոկտեմբերի 26-ին Տրապիզոնի գրավման մասին Վենետիկը տեղյակ է պահում Հունգարիային³⁹:

Փոքր Ասիայում թուրքական նվաճումներն, ըստ իտալացի ժամանակագիրների, ռաբասափ առաջ բերեցին օսմանյան աճող հզորության հանդեպ⁴⁰: Վենետիկը շտապ միջոցներ ձեռնարկեց հակաօսմանյան զինակցություն ստեղծելու նպատակով և համապատասխան նամակներ ուղարկեց Հունգարիա, Ֆրանսիա ու Հռոմի պապին⁴¹: Վենետիկից շատ հումանիստներ հանդես եկան

³² Ա. շ. Հոմերոսյան, Դավազներ հայ ազատագրական մտքի պատմությունից, քիթ 2, Երևան, 1959, էջ 8:

³³ С. П. Карпов, նշվ. աշխ., էջ 143:

³⁴ Նույն տեղում:

³⁵ Նույն տեղում, էջ 21:

³⁶ Сборник статей по истории Азербайджана, вып. I, Баку, 1949, с. 172.

³⁷ Շահ Իսմայիլ Սևեթի, էջ 34:

³⁸ С. П. Карпов, նշվ. աշխ., էջ 162:

³⁹ Նույն տեղում:

⁴⁰ Նույն տեղում, էջ 162—163:

⁴¹ Նույն տեղում, էջ 163:

«անագորոյն գազան Մուհամմեդի» դեմ համատեղ պայքարի ջատագովութեամբ⁴²:

Հակաօսմանյան զինակցութեան ստեղծման գործում Վենետիկի և ընդհանրապես իտալական քաղաք-հանրապետութիւնների ընդգծված շահագրգռվածութիւնը պայմանավորված էր դարերից եկող մշակութային, տնտեսական և քաղաքական կապերով: Առանձնապես ընդգրկուն էին նրանց առևտրական կապերը: Իտալական երեք քաղաքներ՝ Ճենովան, Վենետիկը և Ֆլորենցիան ունեին Եվրոպայում ամենամեծ առևտրական նավատորմերը⁴³: Նրանք Արևելքից Եվրոպա էին ներմուծում մետաքսի մեծաքանակ հումք, որը մշակելով արտահանում էին համաեվրոպական շուկա⁴⁴: Մետաքսի հումքի հիմնական մատակարարը Պարսկաստանն էր:

Դեռևս իշխանութեան ժամանակաշրջանից Պարսկաստանը առևտրական սերտ կապեր ուներ Վենետիկի հետ: Վենետիկցիները՝ ալդ Քամենամեծ և ամենաուժեղ առևտրական ազգը⁴⁵, 1331/32 թ. պարսիկների հետ պայմանագիր էին կնքել, որի համաձայն երկու երկրների վաճառականները Թավրիզում և Տրապիզոնում հավասարութեան սկզբունքով առևտուր պետք է անեին՝ ապահովելով փոխադարձ անվտանգութիւնը⁴⁶: Տրապիզոնի վրայով արտահանվող մետաքսը մեծ պահանջարկ ուներ Եվրոպայում, քանի որ նա չինականից ավելի որակյալ էր⁴⁷: Տարեցտարի արտահանվող մետաքսի քանակն այնքան մեծ էր, որ Տրապիզոնում գտնվող սակավաթիվ վենետիկյան առևտրականները չէին կարողանում ապահովել այդ ծավալի ապրանքափոխանակութիւնը: Ուստի Վենետիկի հանրապետութեան գերագոյն մարմինը՝ Մեծ խորհուրդը, 1339 թ. հուլիսի 7-ի որոշմամբ Արևելքում իր հյուպատոսներին իրավունք էր տալիս տեղի բնակիչներից հավատարմագրել վենետիկյան քաղաքացիներ, եթե նրանք ոչ պակաս, քան հինգ տարի գտնվելիս են հեղել հյուպատոսի խնամակալութեան տակ⁴⁸: Հայերից շատերը, որոնք հնուց ի վեր համատեղ առևտրական գործարքների մեջ էին վենետիկցիների և ճենովացիների հետ, սկսեցին դառնալ այդ հանրապետութիւնների հավատարմագրված քաղաքացիներ⁴⁹:

Եթե Արևելքի հետ առևտուրն ընդհանրապես շահավետ էր Արևմուտքին⁵⁰, ապա Վենետիկի համար այն ուներ կենսական նշանակութիւն: «Վենետիկը հիմնական եկամուտը ստանում էր ոչ թե սեփական երկրի ապրանքը արտահանելուց, այլ այնպիսի հասարակութիւնների ապրանքների փոխանակութեան միջնորդութիւնից, որոնք դեռ չէին զարգացել առևտրական և, ընդհանրապես, տնտեսական տեսանկյունից»⁵¹: Կապիտալիստական հասարակութեան վաղ փուլերում առևտուրն է տնտեսութեան որոշիչ գործոնը: Նա է մղում և ուղղութիւն տալիս արդյունաբերութեան զարգացմանը⁵²:

Կ. Պոլսի և Տրապիզոնի կայսրութեան անկումից հետո մուսուլմանական աշխարհի մի քանի կարևոր կենտրոններից վենետիկյան դեսպաններն իրենց կառավարութեանը գրում էին. «Ուզուն Հասանի բարձրացող աստղը կարող է

⁴² Նույն տեղում, էջ 163—164:

⁴³ В. И. Рутенбург, Италия и Европа накануне нового времени, Л., 1974, с. 36.

⁴⁴ Джорджо Канделоро, История современной Италии, М., 1958, с. 28—29.

⁴⁵ К. Маркс, Ф. Энгельс, Соч., т. 25, ч. 2, с. 478.

⁴⁶ С. П. Карпов, *Իշխ.*, էջ 51:

⁴⁷ Նույն տեղում, էջ 32:

⁴⁸ Նույն տեղում, էջ 33—34:

⁴⁹ Նույն տեղում, էջ 40:

⁵⁰ Միլին դարերի պատմութիւն, հ. 1, Երևան, 1973, էջ 718:

⁵¹ К. Маркс, Ф. Энгельс, Соч. ч. I, с. 361.

⁵² В. И. Рутенбург, *Իշխ.*, էջ 32:

րին Զենոն հետեւյալն է գրում. «Ուզուն Հասանի ուղարկած դեսպանները Վենետիկ հասան, որոնք էին Հաճի Մահմեդ, Մուրատ Նիկոլո և Քեֆարսա, պատկառելի մարդիկ, որոնք մեծ հեղինակություն ունեին թագավորի (Ուզուն Հասանի) մոտ, և որոնք մեծ ընծաներ (բերելով) իրենց տիրոջից, առաջարկում էին զինակցություն և պատվավոր դաշնակցություն կնքել Թուրքիայի և Սուլթանի (Ծգիպտոսի) դեմ, պայմանով որ վենետիկցիները չթերանան իրենց նավատորմով հարձակվելու երկու իշխանությունների վրա»⁶⁵:

Ղ. Ալիշանը Մուրատի փոխարեն գրում է Միրատ և նույնացնում խոջա Միրաքի հետ. «Սա (Ուզուն Հասանը) զբոսաված էր նոր դաշնակիցներէն՝ որք սկսան վախճցնել, թէ օսմանեանք կու պատրաստուին իր երկիրը կոխելու, ուզեց կանոնաւոր և հաստատ բարեկամութիւն և օգնականութիւն հաստատել, և սկսավ իր եղբայրն զհասան խաւրել ի Վենետիկ (1464—68 թթ.), նախ մէկ երկու Պարսիկ, յետոյ աւելի յաջողելու համար ուզեց Հռովմայ Ս. Քահանայապետի ալ խաւրել. և այս բանիս յարմարագոյն համարեց քրիստոնեայ մի, հայ մի:

Այս երկու դեսպանութեանց միանգամայն կատարող Հայն՝ կոչուէր Միրատ, իր հաւատարիմ սպասաւոր կամ պաշտօնեայն. Թուղթն գրուած ի Սուլտանին, ուր էր այն ատեն արքայական աթոռ Բէկին (Ուզուն Հասանի) յ'2 օգոստ. 1469 տարւոյ: Միրատայ անուն կըրնար Մուրատ ըլլալ, բայց հաւանագոյն է որ ըլլալ Միրաք»⁶⁶:

Միրաքի (Մուրատի, Միրաթի) դեսպանությունը Պարսկաստանից Վենետիկ է մեկնում 1469 թ.⁶⁷ և 1470 թ. մարտի 7-ին⁶⁸ ընդունելության է արժանանում Վենետիկի դոժի կողմից, ներկայացնում է Ուզուն Հասանի նամակները իտալերեն թարգմանություններով հանդերձ, որտեղ իմիջիպալոց, զբոսած էր. «Ձեր ներկայության կը դրկեմ այս նվիրակը և հավատարիմ ծառան, որ Միրաթ կը կոչվի, ազգով հայ: Լրիվ վստահեցեք այն ամեն բանին, որ մեր անունով բերանացիորեն պիտի հաղորդեմ ձեզի»⁶⁹: Վենետիկցիները շնորհունեցին առաջարկը և հայտարարեցին, թե միշտ լավ բարեկամներ են եղել թագավորի (Ուզուն Հասանի) հետ, և վստահեցրին նրան, թե այս պատերազմը ավելի հաճելի պիտի լինի իրենց, քան այնքան ուրիշ պատերազմները, որ իրենք մղել են»⁷⁰:

Ժամանած դեսպաններից երեքը՝ այդ թվում և խոջա Միրաքը, Վենետիկից անցնում են Հռոմ՝ Պապի, ապա Նեապոլի թագավորի մոտ, որպեսզի համոզեն, որ այս իշխանությունները ռմիսնան դաշնակցությանը»⁷¹: Նրանցից երկուսը շարունակում են ճանապարհը և, ամենայն հավանականությամբ, այցելում նաև Լեհաստան: Մինչ այդ «զիվանագիտական գործերով» Լեհաստանից Պարսկաստան էր այցելել Հակոբ անունով լվովցի մի հայ»⁷²: Ի պատասխան այս այցի, Լեհական մի այլ դեսպանախումբ 1472 թ. ժամանում է Ուզուն Հասանի արքունիք»⁷³:

Այդ ժամանակ Լեհաստանի արքա Կազիմիր Յագելոնի քաղաքական խորհրդատուն էր Կալիմախ Բուռնակորզին՝ Լեհական գրականության մեջ հա-

⁶⁵ 2. Հակոբյան, նշվ. աշխ., էջ 156:

⁶⁶ Ղ. Ալիշան, նշվ. աշխ., էջ 185—186:

⁶⁷ Հայ ժողովրդի պատմություն, հ. IV, Երևան, 1972, էջ 49:

⁶⁸ Ղ. Ալիշան, նշվ. աշխ., էջ 185—186:

⁶⁹ Պ. Լ. Զեքիյան, խոջա Սաֆար Շահ Աբրահիմ դեսպան Վենետիկի մեջ (Պատմա-բանասիրական հանդես, 1983, № 1, էջ 106):

⁷⁰ 2. Հակոբյան, նշվ. աշխ., էջ 156:

⁷¹ Նույն տեղում:

⁷² Ա. Գ. Աբրահամյան, Համառոտ ուրվագիծ հայ գաղթավայրերի պատմության, հ. 1, Երևան, 1964, էջ 200:

⁷³ M. Derethy, M. Vaughan, նշվ. աշխ., էջ 207:

կաթնորթական ավանդույթների սկզբնավորողը⁷⁴։ Լեհական քաղաքական կյանքի վրա նրա ազդեցությունն այնքան մեծ էր, որ Ուզուն Հասանն էական հույսեր էր կապել Լեհաստանը հակաօսմանյան զինակցության մեջ ներգրավելու խնդրի հետ։ Մինչև իսկ նա 1474 թ. հատուկ դեսպանությամբ պատրաստակամություն էր հայտնել իր ավագ դստերը կնության տալ Յագեպատրաստակամություն էր հայտնել իր ավագ դստերը կնության տալ Յագելոնի որդիներին մեկին և որպես օժիտ խոստանում էր նվաճվելիք Բյուզանդական կայսրությունը, քանի որ աղքատ մայրը Տրապիզոնի կայսեր դուստրն էր՝ հետևաբար Բյուզանդական կայսրության ժառանգը⁷⁵։ Սակայն Ուզուն Հասանի հույսերը չարդարացան։ Լեհաստանի արտաքին քաղաքականությունը հիմնականում ուղղված էր Մոսկովյան պետության դեմ, և երկու հակամարտ պետություններն էլ շահագրգռված էին ուժերի հաշվեկշռի պահպանմամբ։ Այս իսկ պատճառով հաջողություն չունեցան նաև Հռոմի քայլերը՝ ի վան III-ի բյուզանդական զահի ժառանգորդ Սոֆյա Պալեոլոգի ամուսնությամբ Մոսկովյան պետությանը հակաօսմանյան զինակցության մեջ ներքաշելու գործում⁷⁶։

Լեհաստանից Միրաբը 1474 թ. հունիսին անցնում է Վրին, Կաֆպից մեկնում Թինա (Ախինա)⁷⁷, որոշ ժամանակ անց ժամանում Թավրիզ։

Միրաբի դեսպանության այցից հետո Վենետիկի սենատը 1471 թ. սեպտեմբերի 10-ի հրամանով Կատերինո Զենոյին նշանակում է հանրապետության դեսպան՝ Ուզուն Հասանի արքունիքում⁷⁸։ «Միրաբայ իմացուց» որ իրեն փոխարեն Դուքսն ալ դեսպան կու խալը (զԿատերինոյ Մենոյ), և անոր բերանով ամեն բան կու ծանուցանէ. Բայց վախենալով ալ որ ճամբան փորձանաց չհանդիպի, պարսկերեն պատասխան մ'ալ գրել տուաւ և յանձնեց առ Միրաբ՝ որ տանի ի տիրոջ»⁷⁹։ Այս ընտրության հարցում էական դեր էին խաղացել Զենոյի ազգակցական կապերն Ուզուն Հասանի կնոջ հետ⁸⁰, Կատերինո Զենոն Դամասկոսում Վենետիկի հյուպատոս Դրագոն Զենոյի որդին էր⁸¹։

Զենոյի դեսպանությունը ուներ քաղաքական նպատակ. «որպեսզի, եթե չէին կարող ոտքի հանել արևմուտքի վեհապետներին՝ պատերազմելու հասարակաց թշնամու (թուրքերի) դեմ, որ անկուշտ իր ուժի փառքից ձգտում էր (տիրել) աշխարհի կայսրության, գոնե կարողանան առնվազն համոզել Արևելքի վեհապետներին»⁸²։ Վենետիկի կառավարությունը իր կողմից որպես օժանդակություն առաջարկում էր հարյուր ցուկանավ և ավելի շատ այլ նավեր։ Զենոն «ուրախությամբ և պատվով»⁸³ է ընդունվում Ուզուն Հասանի արքունիքում։ Բանակցությունների շնորհիվ 1472 թ. գարնանը Թավրիզում երկու պետությունների միջև կնքվում է ռազմական դաշինք։ Հակաօսմանյան զինակցությանը մասնակցում էին նաև Հռոմի պապը, Նեապոլը, Հունգարիան, Ալբանիան, Հռոդոսը, Կիպրոսը, Բուրգունդիան և Ղարամանիան⁸⁴։

⁷⁴ Л. Базылев. Польско-турецкие дипломатические связи в 16 в., (Россия, Польша и Причерноморье в 15—18 вв., М., 1979, с. 14).

⁷⁵ M. Dorgény, M. Vaughaan, Էջվ. աշխ., էջ 207.

⁷⁶ И. Б. Греков. Очерки по истории международных отношений Восточной Европы 14—16 вв., М., 1963, с. 165.

⁷⁷ Հ. Հակոբյան, Էջվ. աշխ., էջ 215—217.

⁷⁸ Իրանը և Վենետիկի հանրապետությունը, էջ 15.

⁷⁹ Ղ. Ալֆրան, Էջվ. աշխ., էջ 188.

⁸⁰ Իրանը և Վենետիկի հանրապետությունը, էջ 16.

⁸¹ Հ. Հակոբյան, Էջվ. աշխ., էջ 154.

⁸² Նույն տեղում, էջ 155.

⁸³ Նույն տեղում, էջ 160—161.

⁸⁴ Я. М. Махмудов. К вопросу о взаимоотношениях государств Ак-коюнлу и Сефевидов с европейскими странами (2-ая половина 15—начало 17 в.) (Известия АН АзССР, 1987, № 3, с. 36).

Կատերինո Ջենոյի դեսպանագնացության արդյունավետ ելքը շատ բանով պայմանավորված էր թագուհու աջակցությամբ. «Այս Դեսպինան ամենից կրոնասեր կինն էր աշխարհում, միշտ լավ քրիստոնյա մնացած ... գործիք դարձավ համոզելու Ուզուն Հասանին՝ պատերազմ հայտարարելու Թուրքիային»⁸⁵:

1472 թ. հակաօսմանյան զինակցության համատեղ ծրագրի համաձայն ակ-կոյունլուները նույն թվականին պատերազմ են սկսում թուրքերի դեմ: Մինչ այդ, թիկունքն ապահովելու նպատակով Ուզուն Հասանը պատերազմ էր մղել մերձավոր հարևանների և հինավուրց ախոյանների՝ կարա-կոյունլուների և Թևմուրյանների դեմ: Նա 1467 թ. մայիսին Ճապուղչուրի ճակատամարտում պարտության է մատնում Ջհանշահին և նրա որդի Մուհամմեդին: Հետագայում նա պարտված և սպանված Ջհանշահի գլուխը ուղարկում է Թևմուրյան Աբու Սալիդին, իսկ Մուհամմեդինը՝ Կ. Պոլիս⁸⁶:

1468 թ. հուլիսին Մարանդի դաշտում Ուզուն Հասանը վերջնական պարտության է մատնում կարա-կոյունլուներին և գրավում Թավրիզը՝ հիմք դնելով լայնածավալ մի տերության, որում ընդգրկված էին Հայաստանը, Ատրեպատականը, Իրանը և Իրաքը⁸⁷: Կարա-կոյունլուների մի մասն ապաստան է գտնում Խորասանում՝ Աբու Սալիդի մոտ, սակայն 1469 թ. Ուզուն Հասանը պարտության է մատնում նաև վերջինիս՝ ապահովելով իրեն երկու ճակատով պատերազմելու վտանգից⁸⁸:

Ռազմական հաջողությունները ոգևորել էին ակ-կոյունլուներին, 1472 թ. թուրքերի դեմ սկսած պատերազմն էլ սկզբնապես ընթանում էր նրանց առավելությամբ: Սակայն պատերազմի նախնական տասնօրյա հաջողություններին⁸⁹ հաջորդեցին ծանր պարտությունները:

1472 թ. օգոստոսին Կոնիայի մոտ Ուզուն Հասանը պարտություն կրեց թուրքերից և կորցրեց իր որդիներից երեքին: Մինչ այդ էլ (1470 թ. և 1472 թ.) թուրքերը պարտության էին մատնել Ղարամանիային՝ ակ-կոյունլուներին զրկելով իրենց դաշնակցից⁹⁰:

Չունենալով Ասիայում դաշնակից պետություն և ռազմականապես Օսմանյան կայսրությունից լինելով ավելի թույլ, Ուզուն Հասանը հարկադրված էր ապավինել Նվրոպային: «Այս պարտությունից հետո Հասան բեյ թագավորը մի դեսպան ուղարկեց Վենետիկ համոզելու համար, որ պատերազմեն թուրքի դեմ, քանի որ անձամբ իր դեմ է գալիս: Նվ բացի սրանից նրանցից խնդրեց հրետանի, որ քիչ ժամանակ հետո իրենց նավերով ուղարկվեց Կիպրոս»⁹¹, Վենետիկի սենատի 1473 թ. 10 փետրվարի որոշմամբ Ջոզեֆա Բարբարոն դեսպան է նշանակվում Պարսկաստանում⁹²: Նա հմուտ դիվանագետ էր՝ 1436—1451 թթ. դեսպան էր եղել Մոսկովյան պետությունում⁹³, Ռազմական օգնությունը՝ հրետանի, որոշ թվով ռումբեր, նետարձակներ, հրացան՝ վառոդով, և ուրիշ զանազան տեսակ երկաթեղեններ, շորս հազար դուկատ արժողությամբ⁹⁴, Վենետիկից ուղարկվում է երկու մեծ և երկու փոքր նա-

⁸⁵ Հ. Հակոբյան, նշվ. աշխ., էջ 160—161:

⁸⁶ Сборник статей по истории Азербайджана, с. 168.

⁸⁷ О. А. Эфендиев, Образование Азербайджанского государства Сефевидов в начале 16 в., Баку, 1961, с. 27.

⁸⁸ V. Minorsky, A Civil and Military Review in Persia in 881/1476, BSOS London, v. 10, part 1, p. 143. (Bulletin of the School of Oriental Studies).

⁸⁹ Իրանը և Վենետիկի հանրապետությունը, էջ 17—18:

⁹⁰ Османская империя, с. 35.

⁹¹ Հ. Հակոբյան, նշվ. աշխ., էջ 256:

⁹² Իրանը և Վենետիկի հանրապետությունը, էջ 16:

⁹³ Նույն տեղում, էջ 17:

⁹⁴ Հ. Հակոբյան, նշվ. աշխ., էջ 175—176:

վերով: Բարբարոն իր հետ ունեւր ձեռնում և ցամաքում ռազմական գործողու-
թյունների քարտեզներ, որոնց նպատակն էր Փոքր Ասիայի ազատագրումը⁹⁵:

Մինչ, Բարբարոյի գլխավորած տորմիդը գտնվում էր դեպի Կիպրոս նա-
վարկության մեջ, Ուզուն Հասանը երկրորդ անգամ ծանր պարտութուն կրեց
(Դերջանի մոտ 1473 թ. օգոստոս), որով էլ վճովեց պատերազմի ընդհանուր
ելքը⁹⁶: Սակայն Ուզուն Հասանը մտադիր չէր զենքը վայր դնել: Վենետիկի
դոժին 1473 թ. հոկտեմբերի 16-ին գրած նամակով նա պարտությունը պատ-
ճառաբանում էր հրազենի բացակայությամբ և հավաստիացնում, որ ապա-
գայում էլ է պատերազմելու թուրքերի դեմ⁹⁷: Նամակը Վենետիկ էր բերել
Կատերինո Զենոն, որն այս անգամ հանդես էր գալիս որպես Պարսկաստանի
դեսպան⁹⁸: Չնայած Զենոյի գործադրած ջանքերին և եվրոպական տիրակալ-
ների հավաստիացումներին՝ թուրքերի դեմ համատեղ վիճակցության կենսա-
գործումից ոչինչ չէր ստացվում: Ոչ մի արդյունք չունեցավ նաև Ամբրոսիո
Կոնտարինիի դեսպանությունը (13 փետրվարի 1474⁹⁹—16 ապրիլի
1477 թթ.¹⁰⁰): Հիշատակելի է, որ այս դեսպանությունը Կաֆայից մինչև Լոռի
ուղեկցել է իրեն որպես Ուզուն Հասանի դեսպան ներկայացնող մի հայ, իսկ
ճանապարհի մի այլ հատված՝ ոմն հայ քահանա¹⁰¹: Ամբրոսիո Կոնտարի-
նին Զոգեֆո Բարբարոյի հետ Ուզուն Հասանի կողմից Սպահանում տեսակ-
ցություն է արժանանում 1474 թ. նոյեմբերի 4-ին¹⁰²: Երկրորդ անգամ Ամբրո-
սիո Կոնտարինին Ուզուն Հասանի հետ պաշտոնական տեսակցություն է ունե-
նում 1475 թ. մայիսի 31-ին: Այս անգամ հանդիպմանը մասնակցում էր
Լուդովիկո դը Բոլոնյան, որն այդ ժամանակ արդեն Անտիոքի պատրիարքն էր
և հանդես էր գալիս որպես Բուրգունդիայի դուքսի դեսպան¹⁰³:

Եվրոպայի հակաթուրքական ուժերի հետ դիվանագիտական աշխույժ
հարաբերություններով հանդերձ Ուզուն Հասանը ծանր պարտություններից
հետո նախընտրելի էր համարում խաղաղությունը Օսմանյան կայսրության
հետ, քանի որ եվրոպացիների հավաստիացումները չէին հաջորդում իրա-
կան ռազմա-քաղաքական քայլերով: Ուզուն Հասանը մինչև իսկ փորձ էր
արել Ղազի Ալլասկյարի դեսպանության միջոցով հաշտություն կնքել Թուր-
քիայի հետ, սակայն հաջողություն չէր ունեցել¹⁰⁴: Փորձ էր արել անգամ
խնամիական կապեր հաստատել Օսմանյան տիրակալների հետ և դարձյալ
ապարդյուն¹⁰⁵: Ուզուն Հասանն իր նախկին քաղաքականությունը շարունա-
կում էր ավելի շատ քաղաքական այլընտրանքի բացակայությունից ելնելով,
քան որևէ իրական օգնության ակնկալիքով: Այդ իսկ պատճառով էլ դը Բոլոն-
յայի ճերկար ճառը... թվում էր, թե քիչ ազդեցություն գործեց Շահի
վրա¹⁰⁶:

Կյանքի վերջին տարիները, խուսափելով մեծ ընդհարումներից, Ուզուն
Հասանն անցկացրեց ասպատակությունների ու ավարառությունների մեջ:
Նա 1476 թ. և 1477 թ. արշավեց Վրաստան, որտեղ էլ 1478 թ. հունվարին
մահացավ¹⁰⁷:

⁹⁵ Իրանը և Վենետիկի հանրապետությունը, էջ 16:

⁹⁶ Сборник статей по истории Азербайджана, էջ 174:

⁹⁷ Իրանը և Վենետիկի հանրապետությունը, էջ 18:

⁹⁸ P. Sykes, նշվ. աշխ., էջ 141—142:

⁹⁹ Հ. Հակոբյան, նշվ. աշխ., էջ 169:

¹⁰⁰ Путешественники об Азербайджане, т. I, Баку, 1961, с. 76:

¹⁰¹ Նույն տեղում, էջ 77:

¹⁰² Նույն տեղում, էջ 83:

¹⁰³ Հ. Հակոբյան, նշվ. աշխ., էջ 239:

¹⁰⁴ Նույն տեղում, էջ 231:

¹⁰⁵ Իրանը և Վենետիկի հանրապետությունը, էջ 19:

¹⁰⁶ Հ. Հակոբյան, նշվ. աշխ., էջ 239:

¹⁰⁷ Հայ ժողովրդի պատմություն, հ. IV, էջ 51:

Ուզուն Հասանի մահից հետո նրա որդիների միջև ժայր առան գահակալական կռիվներ¹⁰⁸, որոնք ավելի քան երկու տասնամյակ Եվրոպային զրկեցին արևելյան դաշնակցից: Ուժերի հարաբերակցությունն էապես փոխվեց, և Վենետիկը հարկադրված էր 1479 թ. Մուհամմեդ II-ի հետ հաշտություն կնքել¹⁰⁹: 1483 թ. զինադադար կնքեց Հունգարիան, 1484 թ. Մոլդավիան, 1489 թ. Լեհաստանը և Լիտվական պետությունը¹¹⁰:

Ուզուն Հասանին հաջորդեց որդին՝ Սուլթան-Խալիլը, որին վեց ամիս հետո սպանեց իր եղբայրը՝ Յազուբը և թագավորեց 12 տարի՝ 1478—1490 թթ.: Յազուբին հաջորդեց որոշ շափով կասեցնել երկրի սրբնթաց կազմալուծումը, սակայն երկպառակություններից ուժասպառ երկիրն անշեղորեն գնում էր դեպի կործանում¹¹¹: Յազուբն ինքը զոհ գնաց մրցակից խմբակցությունների խարդավանքներին՝ նրան թունավորեցին¹¹²: Հաջորդ գրեթե բոլոր ակ-կոյունլու տիրակալները քաղաքական տալքեր խմբակցությունների կամակատարներն էին:

1499 թ. ըստ Ախբարում կնքված համաձայնության ակ-կոյունլուների տիրապետությունը վերջնականապես տրոհվեց. հյուսիսային մասն անցավ Ալվանդին (Թավրիզ կենտրոնով), հարավային մասը՝ Մուրադին (Սպահան) կենտրոնով¹¹³: Ստեղծվել էին բոլոր նախադրյալները նոր՝ Սեֆյան հարստության, իշխանության գլուխ գալու համար:

Սեֆյանների պետությունը հանդիսացավ ոչ միայն ակ-կոյունլուների պետության տարածքային ժառանգորդը, այլև խորացրեց և ընդլայնեց ակ-կոյունլուների նախանշած քաղաքական-դիվանագիտական հարաբերությունները¹¹⁴: արտաքին քաղաքականության մեջ միշտ անփոփոխ պահելով հակաթուրքական ուղղվածությունը և միշտ ջանքեր գործադրելով հակաօսմանյան զինակցություն ստեղծելու ուղղությամբ:

ГОСУДАРСТВО АК-КОЮНЛУ В СФЕРЕ МЕЖДУНАРОДНЫХ ОТНОШЕНИЙ И АРМЯНЕ

А. А. ПАПЯН

Резюме

В результате османских завоеваний (вторая половина 15-ого века) под турецкий контроль попали основные торговые пути Восток—Запад. Имея сложные политические отношения с турками-османами и неся огромные экономические потери из-за негарантированности торговли государство Ак-коюнлу, будучи не в состоянии без союзников воевать с Османской империей, настойчиво искало в Европе союзников. В переговорах по этому вопросу активное участие принимали армяне—как с иранской стороны, так и со стороны заинтересованных европейских стран.

¹⁰⁸ P. Sykes, նշվ. աշխ., էջ 140:

¹⁰⁹ M. Dorothy, M. Vaughan, նշվ. աշխ., էջ 206—207:

¹¹⁰ А. Л. Хорошкевич, Русское государство в системе международных отношений. М., 1980, с. 172.

¹¹¹ Дж. Ибрагимов, նշվ. աշխ., էջ 44:

¹¹² P. Sykes, նշվ. աշխ., էջ 140:

¹¹³ Дж. Ибрагимов, նշվ. աշխ., էջ 47:

¹¹⁴ V. Minorsky, Persia 1478—90, London, 1957, p. 06.